

醫學探驪集卷四目錄

雜症門

白虎歷節風

耳下腫痛

頭項腫痛

唇腫破裂

頭頂腫痛

牙床腫痛

偏正頭痛

齒縫出血

頭暈目眩

齒痛

口眼喎斜

內附五液論

咽喉腫痛

鼻痔鼻淵

纏喉急痺

鼻不聞香

內附腦氣筋說

木舌腫脹

鼻孔腫痛

走馬牙疳

鼻衄

失音

年少耳聾

咳嗽



嗽喘

咳嗽濁痰 內附肺癰肺痿肺說

久嗽

嗽血

努力吐血

憂勞吐血

虛弱吐血



南京中醫藥大學圖書館藏

直隸永平遷安宿卿康應辰著

子常汪太守校閱
香園劉文滋校閱

雜症門

白虎歷節風

凡人股肱受病其原不一。痠沉者為寒邪。麻木者為濕邪。腫痛者為風邪。以此辨之最確。若痛風一症。輕重各有不同。主治則無少異。其輕者僅能作痛。痛無定處。痛而不腫。重者痛極則腫。亦無定處。走而不守。其痛不可忍。與虎咬相似。故名為白虎歷節風。蓋風之為患。無微不入。彼中風最險。乃風邪中人之經絡。傷風其輕。乃風邪傷人之皮毛。至於痛風。乃風邪趁虛而入。客於筋骨肌肉部位。其因有二。或因汗出而腠理大開。或因涉水而元陽不固。風邪乃趁虛客之。及腠理已密。元陽復回。其寒氣雖除。其風邪則無自而出也。無論股肱某處受邪。祇覺此處滯塞不仁。久之積成風毒。一為發作。先是作痛。痛極而腫。此腿腫過。覺痛稍輕。彼腿又痛而腫。彼腿其腫痛稍輕。兩胳膊又更換腫痛。及胳膊腫痛稍

輕腿膝又復腫痛此即歷節之謂也如此痛苦累日不休牽延臥榻主治之法宜取數穴針之照神應經行補瀉手法四點鐘時可出針如病人不願行手法先宜用藥針刺之即不行手法與行手法一樣留五點鐘時乃出針惟痛風一證最善行針其風見針即散如病人畏針服搜風止痛湯亦可

合谷 支溝 透間使 環跳 絕骨 即懸鐘 三里 足 陽陵泉

如前穴或未效或雖效而未大愈復刺後穴無不立效

外關 透內關 風市 上巨虛 即足陽明經 上廉穴 膝關

搜風止痛湯方

防風 三錢 山甲片 二錢 川烏頭 三錢 獨活 四錢 秦艽 四錢 威靈仙 四錢

明黨參 三錢 麻黃 三錢 桂枝 四錢 皂刺 三錢 木瓜 三錢 甘草 二錢 水煎溫

服

方歌 劉文滋後做此

搜風止痛湯 重防風 羌刺參 麻靈桂同 獨草瓜 烏山甲片 散邪取汗見奇功

詳註 劉文滋後做此

此方以防風為君。以川烏秦艽通行上下為臣。以獨活靈仙搜尋筋骨為佐。以桂枝木瓜達其股肱。以山甲皂刺麻黃開使腠理為使。引風邪從汗孔而出。黨參甘草稍為調其中宮。扶其元氣。風邪去而痛自止矣。

頭項腫痛

凡人初病。頭痛惡寒身熱。診其脉象。浮洪而數。人迎與氣口相等。直與太陽偶感寒邪。一樣及隔一夜。其遍身並不惡寒發熱。惟頭項部位浮腫而痛。細溯其由。乃染山嵐瘴氣所致。凡染此毒。客於臟腑。則霍亂吐瀉。或絞腸轉筋。客於經絡。則慎經絡上行。由少陽陽明而上。於耳下腫出。則為疔腮。此症有單有雙。及客於督脉。聯絡太陽少陽二經。上於頭頂。其初發作。與傷寒相似。至一發出。頭項盡腫。甚者面目亦腫而痛。此毒既發於巔頂。絕不能往他處。再行人染此病。最為險症。俗謂之瘟毒。古人謂之大頭天行。此等腫痛。似有風邪。以其守而不走。仍是山嵐瘴氣居多。若頭面俱腫。是督脉與三陽經皆染山嵐瘴氣。故而發作如此。主治之法。宜先用毫針刺風府。再刺風池透風府二穴。太陽經即不用取穴。

再刺百會人中各留五點鐘時再用鋒針刺攢竹頰車出血再用鋒針刺太陽二穴各五分以火礮拔之出血如病人畏針可服加減普濟消毒飲

風府 風池 百會 人中 攢竹 頰車 太陽 即瞳子髎穴

加減普濟消毒飲方

荊芥穗 三錢 酒黃芩 四錢 馬勃 三錢 蒼朮 四錢 山梔子 三錢 升麻 二錢

鼠粘子 三錢 桔梗 二錢 薄荷 三錢 連翹 三錢 紫花地丁 四錢

獨活 四錢 甘草 二錢 水煎溫服○若將此藥為極細面稀糊為丸如梧桐子大當

暑熱之時即無病之人亦可每日服三錢用滾白水送下專能避一切山嵐瘴氣之毒此思患預防衛生之妙用也

方歌

普濟蒼麻梔穗苓連翹獨鼠勃荷尋地丁桔梗同甘草腫散毒消可代針

詳註

此方以蒼朮為君解其山嵐瘴氣以地丁獨活鼠粘馬勃為佐以芥穗薄荷連翹升麻引



藥上行頭頂以桔梗為舟楫載藥上升使之散毒而消腫以黃芩梔子清其內熱以甘草和藥調中則毒散腫消人可安矣

頭頂腫痛

人有遍體無病忽於頭頂之上或在督脉部位或在太陽經部位或在少陽經部位腫痛一塊其痛與拔髮相似幾不可忍溯其致病之由因頭頂汗出正濃或飽食當風或脫帽露頂將頭頂之汗被急風吹落惟強壯之人易得此症其腠理開合嚴緊一遇急風立即合閉將微風稍閉於腠理之內其汗液欲出外孔已閉其汗液欲入而汗核中有續來之汗液業已填滿不得不與風邪同客於頭頂皮膚部位其初稍覺發木不以為然及久之風因濕因濕藉風發忽然暴腫即患此症此症乃風濕二邪所致也蓋風之為病痛復腫則走而不守濕之為病麻且木則滯而不通今既腫痛不走乃風因濕滯麻木復腫乃濕藉風威以此辨之主治之法無論在某陽經部位惟百會乃諸陽會萃之穴宜取百會穴用毫針刺三分深勿令傷骨留五點鐘時乃出針先為通行其氣後再用清膏敷患處如畏針者可不用針宜服消風勝濕湯凡立祛風之劑羌活能去皮膚之風獨活能去

筋骨之風。草烏能除新感之風。川烏能除陳久之風。治風妙品。量其病勢。擇用。惟此四味。古人立有九味羌活湯。又有羌活勝濕湯。謂其可以發表取汗。乃在邊關一代。寒暑驟中。用以祛風發汗。往往不應。蓋因北地之人。腠理堅實。遇受風邪之症。於此四味中。亦可擇用。但能觸動風邪。絕不能開解。腠理必須用麻黃開路。風邪被風藥觸動。方能隨汗而去。亦地勢使然也。醫者當深明其故。又此方中。用有細辛。但服劑中用之。不可過一錢。以其力猛。能壅閉人之正氣。醫者亦不可不知也。

百會

清空膏方

礪水二錢 冰片一分 白面一兩
○用鷄子清和上三味。不稀不稠。敷患處。如其腫

處。潤大藥之分兩倍之。

消風勝濕湯方

防風三錢 荊芥穗四錢 蜜麻黃三錢 草烏三錢 獨活三錢 蘇薄荷三錢

皂角刺二錢 細辛一錢 甘草二錢 水煎溫服

方歌

消風勝濕湯用麻黃芥穗防烏獨細良甘草薄荷同皂刺頭顛腫痛可煎嘗

詳註

此方以防風為君以獨活草為通行之品搜尋肌膚為臣以芥穗薄荷皂刺清湯之品直達頭頂為佐細辛直入顛頂偕蜜麻黃發而不猛逐其風濕之邪從汗而解為使甘草調和諸藥劑中並無利濕之藥方名勝濕者以風藥力猛能使濕邪與風俱隨汗而去故以勝濕命名一劑腫消而人愈矣

偏正頭痛

此頭痛與外感有別外感頭痛遍身發熱惡寒脉象浮洪而緊此則遍體無病脉象則等等不齊有六脉平和者有浮緩者有兩寸脉微弦者滿頭盡痛謂之正一邊疼痛謂之偏或三五日一發或十數日一發此痛非風邪為患若風邪痛極必腫以此辨之最確謂之頭火則可謂之頭風則不可此乃炭氣為病也人食人間烟火而生烟火氣中即有炭氣此炭氣非外觸之炭氣乃隨飲食漸入之炭氣炭氣雖入每隨氣之呼而出生氣易接每

隨氣之吸而入。若炭氣隨呼而出不盡者。必隨氣血流行一身。客於經絡。頭頂為諸陽之會。炭氣又飄揚之邪。若隨經絡上至頭頂。客於督脉太陽經者。其經絡直上直下。為患尚淺。若客於頭部少陽經中。則不能復客於他處。蓋十二經絡。惟少陽膽經在頭部。然迴三四次。極其曲折。此經若有久客之炭氣。或因暑熱。或因寒冷。或因怒氣上攻。或因飲酒過度。一有所觸。其久客之炭氣。必由經絡而溢於血絡。頭部之血絡極多。互相連貫。倘炭氣溢入。立即粗大。不能照常行動。頭頂焉有不痛者乎。倘正頂痛者。屬督脉。宜以毫針刺百會一穴。刺三分深。勿傷頭骨。留五點鐘時乃出針。其天庭痛者。屬太陽經。宜以鋒針刺攢竹出血。輕者一次。重者二次。可以永不發作。若滿頭盡痛。此即少陽經久客之炭氣為病也。輕者祇以鋒針刺太陽穴。各五分深。以火礮拔之出血。一二次可愈。永不再痛。重者宜以毫針刺風池二穴。向風府刺之。刺一寸深。留五點鐘時乃出針。再用鋒針刺太陽二穴。各五六分深。以火礮拔之出血。二次可不再發。若一邊痛者。謂之偏頭痛。此少陽一邊經絡。客有炭氣。其某邊痛。取某一邊太陽穴。針而拔之。使其炭氣隨血而出。其偏頭痛亦可大愈。又有冰片薰法。其某邊痛。納某鼻孔中。亦可取效。總之無論遠年近日。偏正頭痛。惟

於太陽穴出血為妙。一次見輕。二次永不發矣。若畏針者可服芩連上清飲。

百會 風池 攢竹 太陽

冰片薰法

冰片 少許

生蘿蔔 一條

此方將蘿蔔一條爛搗如泥。再將冰片入內細搗和勻。用

新綿裹之。左邊頭痛。納左鼻孔。右邊頭痛。納右鼻孔。頗能止痛。

芩連上清飲方

酒黃芩

五錢

蘇薄荷

三錢

白芷

三錢

細辛

一錢

滑石

五錢

酒黃連

三錢

荊芥穗

三錢

木通

三錢

甘草

二錢

水煎溫服。如再疼痛。將原方加麻黃錢三。使頭得

微汗。其戾氣隨汗而解。其偏正頭痛皆可立愈。

方歌

上清重用酒芩連。荷穗辛通滑石全。甘草調和兼白芷。神清氣爽保安然。

詳註

此方黃芩黃連酒炙使之上行頭頂。又有薄荷荊穗細辛佐之。用白芷以香散之。滑石木



通清其內熱。甘草調和其中。服一二劑。其炭氣可散而自解矣。

頭暈目眩

凡頭暈目眩之症。多得之老年。若少年之人。亦有得此症者。乃因年少。理應強壯。其氣血虛弱。與老年相似。故少年亦有頭暈目眩者。其年齒雖差。而主治則同。細溯其由。則皆頭火炭氣為病也。蓋原炭氣客於經絡。久之隨陽經飛升而上頭頂。因其虛弱。再久之由大絡而溢於孫絡。夫炭氣既客於孫絡。雖有感觸。萬不能因感觸而再復大絡。再溢血絡矣。惟孫絡極微極細。一有觸動。在孫絡之炭氣。出不易出。溢無可溢。又不能安於孫絡之中。其一發作。遂令人頭暈目眩。其者身不敢動。目不敢開。或眩暈三五日。或眩暈十數日。俟觸動之邪稍減。其炭氣仍安於孫絡之中。又復不暈不眩。如此經年累月。或二三月內。一為發作。或五六箇月。一為發作。此症以方藥丸散主治。毫然無效。惟取穴以針刺之。尚可全愈。倘遇此症。須問病人之暈處。或在頂上。或在前頂。或在後頂。祇用小毫針五針。在頂上取百會一穴。在後頂取後頂一穴。或強間一穴。在前頂取前頂一穴。或顙會一穴。度其暈處。方圓若干。若暈處小。於太陽經各取二穴。若暈處大。於少陽經各取二穴。連主針通。

共五穴。在前頂發暈。則以前頂或顙會為主針。四旁取太陽經。或少陽經二穴。四針共用。五針在正頂發暈。則以百會為主針。四旁取太陽經。或少陽經二穴。共用五針。在後頂發暈。則以後頂或強間為主針。四旁取太陽經。或少陽經二穴。四針共用五針。行此五針。皆三四分深。稍為斜刺。不可礙腦。骨恐腦氣受傷。但行此針。或四點鐘出針。或五點鐘出針。其眩暈治如不治。想炭氣已涸。閉於孫絡之中。無出無入。若以平常鐘點出針。其孫絡之炭氣。針力萬達不到。必須加數倍之力。約以三晝夜為期。乃可出針。如仍眩暈起針。再行換穴刺之。仍以三晝夜為期。乃可出針。此針止刺三四分深。病人絕不至於畏難。必如此針。病人但覺滿頭作癢。此其驗也。針力滿足。直將孫絡之炭氣。催迫於無。或有之鄉。其病乃永不發作矣。○此下宜列目疾等症。奈因目疾一證。古有專科。故將記驗數方。詳列末卷。

督脉主針 顙會

太陽佐針 五處 承光

少陽佐針 臨泣 目窗

督脉主針 前頂

太陽佐針 五處 承光

少陽佐針 臨泣 目窗

督脉主針 百會

太陽佐針 絡却 通天

少陽佐針 目窗 正營

督脉主針 後頂

太陽佐針 絡却 玉枕

少陽佐針 正營 承靈

督脉主針 強間

太陽佐針 絡却 玉枕

少陽佐針 正營 承靈

口眼喎斜 內附五液論



古人謂此症為偏枯。凡得此症。無論老少。大半多是強壯之人。此非風邪。乃濕邪也。即濕邪亦非由外而入。人之胃腑為水穀之海。脾臟為萬化之原。水穀入胃。脾能採其精華。其極精者。化為紫赤二血。灌溉週身。榮華百脉。下餘渣滓。化為痰液。涕液。痰液歸於痰核。痰核一在咽。嗑下。食管後邊。痰孔一在痰核之上。由外不能見。涕液歸於涕核。涕核二在鼻柱骨兩旁各一。涕孔亦在鼻柱骨兩旁各一。由外亦不能見。胃中之水。由脾臟運之於腹部。腹部為水之統宗。由脾部分布於網油。其極淡者。化為唾液。歸於唾核。其微鹹者。化為泣液。歸於泣核。其極鹹者。化為汗液。歸於汗核。至水之渣滓。滲入膀胱。化為小便。唾核在兩腮旁各一。其大如棗。唾孔在舌下。左名金津。右名玉液。泣核在目內眦下。皮內尖。惟汗核汗孔極微極細。汗液倘非極鹹。則不能由液絡直達汗核。而出於汗孔。惟汗核汗孔極多。不可勝數。此五液之大畧也。凡五液各有液絡。設液核之液。有時宣洩。液核空虛。必由液絡纏續補足。其運用之妙。有如此者。人或飲食醉飽。或跋涉。疲勞。頭面部位。大汗淋漓。或當風而立。或脫帽納涼。其汗被急風所吹。忽然而沒。此因形體健壯。腠理嚴密。其人為內熱所蒸。其汗由汗核直達汗孔。汗孔大開。其出正濃。忽被

急風所觸其汗孔則驟然俱閉其汗液欲出而汗孔已閉其汗液欲入而汗核之內已被續來之汗液填實是將出未出之汗液欲出無門欲入無路久之則溢於經絡之中面上諸經絡惟足陽明經極其曲折水能潤下由頭維而下至頰車復至地倉客於一邊此一邊必然板滯惟濕邪傷人無論在週身何處祇覺板滯麻木靜定不移此因風而汗未得出於自然溢於經絡故致口眼喎斜之病乃因風而受濕病非風病也此症與頭頂腫痛俱因風吹汗落而得其受病則一其中自有不同頭頂腫痛乃汗孔急閉因將微風閉於汗孔之內故而腫痛此則汗孔急閉祇將汗液閉塞並無微風故僅板滯而已若有微風則面部亦必浮腫也以此辨之最明人面上之肌肉最為活潑以備喜怒哀樂之用有纖些之濕客於左邊其右邊尚能靈動必向右邊喎斜客於右邊其左邊尚能靈動必向左邊喎斜若用針刺宜刺其不喎斜一邊照神應經手法瀉之取承漿人中地倉頰車攢竹合谷諸穴留五點鐘時乃出針取太陽穴刺以鋒針勿留針以火確拔之出血凡行此針務要詳細取其正穴若穴取不正則不能應手取效如畏針者可用鮮薑熨法或用魚血塗法亦可取效若服藥宜服升陽利濕湯

承漿 人中 頰車 攢竹 合谷 地倉 太陽

鮮姜熨法見前三卷傷寒胸脇痛主治但胸脇部位其瀾面目部位其窄鮮姜宜用四分之二其餘如前法即於地倉頰車目上目下板滯處熨之可以取效

魚血塗法

活青鰱魚一尾不拘大小用刀將其尾斷去其血必然沁出滴於器中即塗於不嘔斜一邊蓋鰱魚善能鑽穴其尾又善於動搖俟其血達於汗孔將汗孔之濕邪催迫盡散其人口眼立即如初可急將所塗之血拭去以此主治口眼喎斜頗能速效

附鰱魚血毒說

本草謂鰱魚其味甘其性溫食之似乎無妨乃辰於卅年之間遇有三人皆是有胃脘痛之宿疾者在先因行針服藥治已大愈數年並未發作及於新正飽食鰱魚其胃脘立即作痛於是用針用藥其痛毫不見輕若照平常胃脘作痛診視其脉象形症似可無礙及痛至二日之久其人遂故細問其由皆因食鰱而後病作其與無宿疾之人同食而人則無恙因思夏令食鰱大半多是活鰱庖人入廚未從炮炙趁其活先為開膛